

Акафист
Святому
Богоявлению
при Спасителя Крещении
во Иордане от Иоанна.



Акафист

Святому

Богоявлению

при Спасителя Крещении

во Иордане от Иоанна.

Кондак 1.

Избранныя к Богообщению вечному в Царство Небесное званныя по Спасителю именуемыя христианами, людей первозданных Адама и Евы, Рая и с Господом сретений в сем лишившихся, потомки смертныя, болезныя и страстныя, Адамом Новым сих избавленныя:

Радуйтесь, Святыя Троицы Богоявлению на Иордане при Крещении Святем Христа от Ангела пустыни Иоанна.

Икос 1.

Ангелов безплотных и человеков во плоти Творец словесных существ Бог Отец, Бог Сын и Бог Дух

Святой созда добро зело, да радуются о Нем и радуют Его, Им просвещаемыя и совершенствуемыя мгновение всякое бытия своего, начало имущаго, но безконечнаго:

Радуйтесь, Господом сотворенныя для Вечности; радуйтесь, во Едеме с Ним беседовавшия.

Радуйтесь, человеком Адамом имена творениям Божиим земным нарекия; радуйтесь, повиновением твари сей всей вам упокоеваемыя.

Радуйтесь, сада Райскаго блюстители; радуйтесь, ухаживавшия за Едемскими произращениями.

Радуйтесь, Господом возлюбленныя наипаче всего земнаго; радуйтесь, светом одеянныя до грехопадения и непорочныя.

Радуйтесь, во Адаме Богом Самим наставляемыя; радуйтесь, во Еве мужем ея назидаемыя.

Радуйтесь, злаками и иным от семян питавшияся; радуйтесь, хищничества и убийства не знавшия.

Радуйтесь, Святыя Троицы Богоявлению на Иордане при Крещении Святем Христа от Ангела пустыни Иоанна.

Кондак 2.

Видяще Пресвятая Троица Единый Истинный Бог возстание Денницею именуемаго архангела и трети с ним ангелов, богами стати восхотевших, с Неба Его низпадших и аггелами ставших, слышит от верных Себе Михаила Архистратига и иже с ним Святых Ангелов:

Аллилуия.

Икос 2.

Разумом одарив венец творения на земли, особо почтил еси человеком первоначальника, из глины руками сотвореннаго, а не словом точию яко вся прочая, и Жизни дыхание Свое вдохнул еси в него, да будет по образу Твоему и подобию, с задатками творчества:

Радуйтесь, имущия восполнити в Богу служении

духов отпадших; радуйтесь, душу и тело святити имущия Его Благодатию.

Радуйтесь, не омрачавшиися известием о врагах лукавых; радуйтесь, опорой и ограждением имевшия Создателю вашему верность.

Радуйтесь, Творца создания единыя, расположенныя к творению; радуйтесь, свободой послушания одаренныя для аггелов посрамления.

Радуйтесь, испытуемая плода единого вкушения запрещением; радуйтесь, могущия блаженствовати без смерти заповеди сия исполнением.

Радуйтесь, вражде и недовольству чуждыя; радуйтесь, чуждыя такожде нечистоте и нецеломудрию.

Радуйтесь, радовавшиися Богу по Раю хождениям; радуйтесь, внемавшия Его Отеческим наставлениям.

Радуйтесь, Святыя Троицы Богоявлению на Иор-

дане при Крещении Святем Христа от Ангела пустыни Иоанна.

Кондак 3.

Сила Вышняго не в насилии во благо явлена бысть над разумными соделанными людьми, не могущими в первозданном для сих Раи претыкаться и отпадати, а в свободном им выборе Господеви послушествовати и от единого древа плода не вкушающе возглашати:

Аллилуия.

Икос 3.

Имуще души чистоту и света покров на нагих телах Адам и от ребра его кость от кости и плоть от плоти в глубоком сне в помощницы ему сотворенная Господом Ева, должныствовали суть прогнати искушителя их твердою преданностию Божию слову для жизни без смерти:

Радуйтесь, уваженныя Господом яко слышашия и разумеющия; радуйтесь, призванныя уважити Его

изречения.

Радуйтесь, Господом человеколюбно наблюдаемая; радуйтесь, Всеведением Его не стесняемая.

Радуйтесь, в Саду богоданном в единомыслии пребывавшая; радуйтесь, соприсутствием друг другу измены Богу избегавшая.

Радуйтесь, Давида Пророка словеса будущия исполнявшая; радуйтесь, союза жительства вашего доброту и красоту являвшая.

Радуйтесь, о Рае заботившаяся и купно, и раздельно; радуйтесь, испытываемая сим в твердости благих произволений.

Радуйтесь, простоту души и разума хранившая вначале; радуйтесь, ухищрениями от лукаваго еще не искушаемая.

Радуйтесь, Святыя Троицы Богоявлению на Иордане при Крещении Святем Христа от Ангела пустыни Иоанна.

Кондак 4.

Бурею самомнения одержимая от прилога змиева праматерь человеческая такожде за лукавым восхоте быти яко бог, плод запрещен с познания добра и зла древа райскаго вкушаючи, да сотворенная из Адама учителем его будет в богоборчестве пети теперь гнушались:

Аллилуия.

Икос 4.

Слышаще из Рая изгнанныя по грехопадении зрением с вожделением на яблоко раздора с Сотворшим Адама и из него Еву Богом и заповеди Его презрении по навету лукаваго, в плаче своем утешались суть смерти избавления семенем Жены им обетованием:

Радуйтесь, не сами первыми согрешившия; радуйтесь, потомки грешников раскаянных.

Радуйтесь, греха первороднаго наследники невинныя; радуйтесь, временностию земныя жизни удеживаемыя от безконечнаго сего господства.

Радуйтесь, Преданию от Прародителей греха и смерти победы Спасителем; радуйтесь, женою падшая, но Девою Женою возставшая.

Радуйтесь, Адама ветхаго в прошлом наследники; радуйтесь, Адама Новаго Тела и Крови причастники.

Радуйтесь, смерти временная Адама и Евы вкушители; радуйтесь, Смерти Спасителя приобщающиеся в Таинстве Евхаристии.

Радуйтесь, первою зло укрочающая; радуйтесь, последнею воскрешение предваряющая.

Радуйтесь, Святыя Троицы Богоявлению на Иордане при Крещении Святем Христа от Ангела пустыни Иоанна.

Кондак 5.

Боготечное совершающе восхождение вспять, терния и волчцы земли, болезни в рождении чад, влечение к повиновению жен мужам, убийства людьми и зверьми и иную смерть претерпевали суть

Праотцы, желающе пети Творцу лицом к Лицу, якоже в Раи прежде:

Аллилуия.

Икос 5.

Видеша Семилюбый наш Бог за многая людей на земли живота века смешения Своих сынов с дщерями ушлых сынов человеческих в злочестия, и Аврама из Ура Халдейскаго с женою избра и от язычества изведе, соделав Авраамом, Отцем множества Ему верных:

Радуйтесе, Богу преданных Отца новаго чада по духу; радуйтесе, Троицу приветившаго и Богом утешеннаго преемники.

Радуйтесе, дивящихся Вере сего Праотца; радуйтесе, сострадающия его испытаниям с госпожею всего человечества, сиречь Саррою.

Радуйтесе, величию его подвигов; радуйтесе, смирению его и кротости.

Радуйтесь, Богу угодному его странноприимству; радуйтесь, Верою в Бога рождаемому его мужеству.

Радуйтесь, Явлениям ему Господа; радуйтесь, Всевышнему его покорности.

Радуйтесь, Предания Священнаго хранители; радуйтесь, Писания Священнаго рачителие.

Радуйтесь, Святыя Троицы Богоявлению на Иордане при Крещении Святем Христа от Ангела пустыни Иоанна.

Кондак 6.

Проповедника послушания угоднаго Ему яви Господь в рабе Своем искреннем Аврааме, иже по времени мнозем сына единого от Сарры Исаака родив, у дуба Мамврийскаго обетованнаго Троицею, прообразуя Христа готов был еси в жертву принести с пением Богу:

Аллилуия.

Икос 6.

Возсиял еси в сыне Иакове Исаак, испытанный со Авраамом и сохраненный рукою Бога, в жертву преуготовившаго Себе в кущех рогами запутавшагося агнца. И Израилем по гласу с Неба наименованном яко с Богом боровшийся, видевший Его и осязавший:

Радуйтесь, не на мучения созданныя; радуйтесь, верностию стяжати имевшия плоды райския Древа жизни.

Радуйтесь, яко могла ест не уловитися лестию врага спасения Ева; радуйтесь, яко могла ест держатися указания Божия твердо.

Радуйтесь, яко посрамлены бы сим быша тогда змий и сатана и абие Богом наказаны; радуйтесь, яко не нужны бы тогда быша Воплощение и Распятие Спасителя, Неизреченныя по Их Величию.

Радуйтесь, Исааком пред Господом оправдывае-

мыя; радуйтесь, Иаковом-Израилем Богом благословляемые.

Радуйтесь, потомки духовныя иным всем предпочитаемых Господом; радуйтесь, яко Имя Ему Любовь Сушая.

Радуйтесь, искупленные Вторым Лицем Бога Троицы; радуйтесь, яко для нас воплотися Сын Божий.

Радуйтесь, Святыя Троицы Богоявлению на Иордане при Крещении Святем Христа от Ангела пустыни Иоанна.

Кондак 7.

Хотим помянути и Иосифа, Иакова сына возлюбленного дванадесятаго, с отца обманом о растерзании его зверем проданного из зависти братьями в египетское рабство, Спасителя грядущаго прообразующаго такожде помощь единоплеменным, о сем поющим:

Аллилуия.

Икос 7.

Новыя милости народу Им избранному с Моисеем во Исходе из неволи египетския в Землю обетованную с десятию заповедями богоугождения на Синаи скрижалей вручением и сорокалетием в пустыни от рабскаго духа свободением Бог и Господь низпослал есть:

Радуйтесь, не отмщаемыя обижаемыми; радуйтесь, Промыслом Божиим управляемыя в скорбех и радостех.

Радуйтесь, озаряемыя пророческими дарами; радуйтесь, избавляемыя от смертнаго наказания.

Радуйтесь, в гладе губительнем не оставляемыя без пропитания; радуйтесь, преселяемыя Провидением для выживания.

Радуйтесь, и утешаемыя столетиями, и испытуемыя; радуйтесь, рабства язычникам свободяемыя премудро.

Радуйтесь, от избиения по рождении сохраняемые убивающими; радуйтесь, именуемым Человеком Божиим вдохновляемые к свободе плоти и духа.

Радуйтесь, избранными Божиими научаемыя Его Закону; радуйтесь, и в пустыни Господом водимыя, питаемыя и хранимыя.

Радуйтесь, Святыя Троицы Богоявлению на Иордане при Крещении Святем Христе от Ангела пустыни Иоанна.

Кондак 8.

Страннаго явления на Синайстей Горе сподобися в первое бегство от египтян взошедший на ню Пророк Божий Моисей Неопалимыя купины и повеления из сия иззуги от ног сапоги ради Богородицу Приснодеву прообразующаго знамения сего и места святости, воспевший:

Аллилуия.

Икос 8.

Всему уподобился еси, Спасе Христе, по плоти

предку Твоему Давиду, сыну Иессея из Вифлеема, кроме падений его греховных, и тех раскаянных пред Великим в милости Своей Богом, и Пастырь, и Помазанник, и Царь на Престоле, но Вечный над Израилем духовным:

Радуйтесь, о Моисею знамении Бога вселении и пребывании в Приснодевы утробе; радуйтесь, Огню Божества, горевшем в Сей, не опаляя, а освещаая и освящаая.

Радуйтесь, Синайскому сугубому Откровению; радуйтесь, и Матери Деве, и Богописанным скрижалем.

Радуйтесь, о дважды даваемых Господом Долготерпеливым единых Десяти заповедех на Божиих и Моисеовых каменех; радуйтесь, Завету Бога и Человека, Ветхим именуемому, носимому в из древа ситтим Ковчеге и хранимому в Скинии-храме.

Радуйтесь, о Сыне Давидова семене, Сыне Бо-

жием, стати имевшем безсеменно Сыном Марии; радуйтесь, о прореченном Давидом Господе его, Господа одесную Сидящем.

Радуйтесь, Спасителя глаголами сими свидетельству о Себе Самем пред врагами Его под стражу взятием; радуйтесь, к ногам Его врагов повержению тридневным Воскресением Его по Распятии.

Радуйтесь, Воцарению Иисусову на Земное к Небесному Царствованию; радуйтесь, Сошествию Царя Небеснаго, Утешителя Духа Истиннаго в Пятидесятый День по Воскресении Спасовом.

Радуйтесь, Святыя Троицы Богоявлению на Иордане при Крещении Святем Христа от Ангела пустыни Иоанна.

Кондак 9.

Всякий из сведущих признает в Иове Многострадальнем, царе Селима священнике Мелхиседеке Предивнем, служителе жертвенном хлебном и винном, и пророке Ионе, тридневне бывшем во чреве

рыбнем, предтеч Твоих, Адаме наш Новый, Тебе, Христе, поющих:

Аллилуия.

Икос 9.

Ветии многообразныя недоумением объяти дивишася в молчании о проречении Исаии: Сам Господь даст вам знамение: се, Дева во чреве приимет, и родит Сына, и нарекут имя Ему Еммануил, и именно тако быша, по плоти бо бысть Господь от семени Давидова:

Радуйтесь, любящие Праведных; радуйтесь, им подражающия.

Радуйтесь, Слово Божие в слове Святом прозревающия правильно; радуйтесь, от Господа точию признающия Благая и Добрая всяческая.

Радуйтесь, в меру свою человеческую Спасу нашему подражающим; радуйтесь, Силе Божией в немощи человечестей совершающейся.

Радуйтесь, женою первою умершия и Женою Богоугодною ожившия; радуйтесь, невкусившей еще общения брачнаго первой предсказанною обрадованная Девою Присною, бывшею и оставшеюся.

Радуйтесь, Господа лицезрения утратившия, с нами Бог означающаго Еммануила дождавшияся; радуйтесь, веровавшия в Него, верующия и веровати имущия.

Радуйтесь, от рода Давидова записанному при Рождестве в Вифлееме Премудростию Божию; радуйтесь, Свидетельствуемому Ангелами Свыше и от Востока земли тремя мудрецами.

Радуйтесь, Святыя Троицы Богоявлению на Иордане при Крещении Святем Христа от Ангела пустыни Иоанна.

Кондак 10.

Спасая множество Себе верных, Иосифа, потомка царя и пророка Давида в колене по нем дваде-

сяти седмем, старца уже по годам и вдовца, отца четырех сынов и двоих дочерей, в Обручника целомудренного Марии Девы избрал есть Господь и Бог, Ему же поем о сем:

Аллилуия.

Икос 10.

Стеною благокруглою столпа общаго домостроения спасения событий Священных ветхих и новых, Богородице, внутрьуду Таинственное от внеуду человеками зримое ограждающею стала еси, Спасителя Сына Божия Девою во утробу приявшая и Девою рождающая:

Радуйтесь, об Иосифе Праведном, Иосифу Прекрасному древлему тезоименнем; радуйтесь, о также приумножение значащем имени его и Господу служении.

Радуйтесь, исполнению от Давида явления Израилью Спасителя его и всего созданнаго; радуйтесь,

премудрому человеком Бога усыновлению во усыновление человеков Богом.

Радуйтесь, по пяти с половиною тысяч лет ожидания Избавителя, Адаму и Еве обещанного, Пришествию Первому смиренному; радуйтесь, две уже тысячи без малаго лет обетованию Отцу Небесному ведомаго точию Дне Сына Его Второго Пришествия в Божественней уже Совершенней Славе.

Радуйтесь, на Суде Его Страшнем и определении Вечнем милуемая; радуйтесь, ликостоянию, Ангелом подобному, и Господа славословию нескончаемому.

Радуйтесь, не видевшия, но веровавшия событиям Евангельским; радуйтесь, с радостию за Гавриилом глаголющия: Радуйся, Обрадованная.

Радуйтесь, яко Господь незримо, но бысть с Нею до Слова Божия Воплощения; радуйтесь, Пречистаго Лица Его лицезрению на Земли от Рождества до Вознесения.

Радуйтесь, Святыя Троицы Богоявлению на Иордане при Крещении Святем Христа от Ангела пустыни Иоанна.

Кондак 11.

Пение хвалебное священника Храма Иерусалимскаго Захарии принесла есть Елисавета жена, от утробы своея, Предтечу Спасителя Иисуса плодоносящая, възграница радость сердечную вкусившая при целовании Марии по Благовещении Ей Архангеловом:

Аллилуия.

Икос 11.

Светоприемною свещею обрадования двоюродныя по матерем их сестры Пречистая горящи при сем рече: величит душа Моя Господа, и возрадовася дух Мой о Бозе Спасе Моем: яко призре на смирение Рабы Своея: се бо, от ныне ублажат Мя вси роди, спасению радуящися:

Радуйтесь, о сродницах Праведней и Пресвятей

Елисавете и Мариами; радуйтесь, страданиям первыя о неплодстве ея, лишавшем ю с Захариєю священником в Мессии Явлении участия.

Радуйтесь, обновлению благодатному утробы неплодные жены, заматоревшия к тому в летах преклонных; радуйтесь, невиданной Отроковицы к Богу Любви, решившейся Ему Единому посвятити Свое Девство и сие сохранить.

Радуйтесь, на благословляемых Им Духа Святаго наитиям; радуйтесь, Силы Божия их осенениям.

Радуйтесь, просити в молитвах уставших главнейшее для них и умолкших уже нежданному Свыше утешению; радуйтесь, о Бозе, Сотворшем вся и всех, сочетовавшем Материнство и Приснодевство на пользу всем в Рабе Своей Единой и неповторимей.

Радуйтесь, свидетельству неложному Ангела Гавриила Пречистой Матери Божией о шестом уже месяце плодоношения неплоды бывшия Ея южики;

радуйтесь, свидетельству о Бозе Спасе во утробе Мариине матери его Елисавете во чреве взыгранием еще не рожденного, ни видящего и ни слышащего по-человечески, но уже пророчествующего пред-нареченного Гавриилом Архангелом Иоанном Крестителя Спасова.

Радуйтесь, пророчеству блаженныя веровавшия Пророка Величайшаго будущия матери; радуйтесь, Величанию неповторимому Бога Спаса Ея и нашего Богородицею в духе пророческом же.

Радуйтесь, Святыя Троицы Богоявлению на Иордане при Крещении Святем Христа от Ангела пустыни Иоанна.

Кондак 12.

Благодатноименный покаяния проповедник Иоанн сподобися для погружения Его во Иордан руку свою смиренно возложить на главу во Плоти Сына Божия, и с гласом свидетельства Его Отца видя

Духа Святаго Божия на Него голубем белым Схождение, воспе Троим Всем яко Единому Богу:

Аллилуия.

Икос 12.

Поюще не прощение и очищение Твои за ненадобностию сих, а Благодатною силою Твоею вод всех земных и Крещения яко Таинства будущего церковнаго освящение, проповедь, чудеса, страдания и Крест Твои чтим, Господи Иисусе, во спасение уверовавших:

Радуйтесь, даже до зрака рабскаго умалению и Жертвенности Создателя; радуйтесь, на Иордане в Крещении Его и на Фаворе Преображении Отца, и Сына, и Святаго Духа Единению показанному.

Радуйтесь, Иоанновым трудам предуготовления покаянием с омовением к Мессиею Духом Святым и огнем конечному Крещению; радуйтесь, пророчества о Нем в Духа Святаго парения Видении доказательству Иоанну и нам им.

Радуйтесь, Смирению Богочеловека, смирению научающему Предтечу Своего человека; радуйтесь, послушанию полному Призывающему Правде Божией всяцей.

Радуйтесь, теснейшему, неже в земном Раи с Адамом и Евою некогда, в ставшей Святою Земли Господа с людьми сопребыванию; радуйтесь, во множестве многом прощаемыя Им, врачуемыя, воскрешаемыя и беснования свободждаемыя.

Радуйтесь, вопрошавшия и вопрошаемыя, научаемыя, исправляемыя и в Царство Небесное призываемыя; радуйтесь, всем сердцем, и всею душою, и всем разумением, и всею крепостию Бога и ближняго любящия по Божиим непреходящим заповедем.

Радуйтесь, посрамлению вечному Бога презирающих лукавнующих; радуйтесь, прославлению навсегда в правде Божией пребывающих.

Радуйтесь, Святыя Троицы Богоявлению на Иор-

дане при Крещении Святем Христе от Ангела пустыни Иоанна.

Кондак 13.

О, Спасителю мiра Иисусе Христе, для Рождества, Крещения, Распятия и Воскресения Сыном Человеческим с Престола Троицы Бога сошедший Духа Святаго наитием в Приснодевы утробу Сыне Божий, со Отцем Тебе и по Вознесении Твоем Утешителем нас поем:

Аллилуия, аллилуия, аллилуия.

Сей кондак прочитывается трижды и паки читаем:

Икос 1.

Ангелов безплотных и человеков во плоти Творец словесных существ Бог Отец, Бог Сын и Бог Дух Святой созда добро зело, да радуются о Нем и радуют Его, Им просвещаемыя и совершенствуемыя мгновение всякое бытия своего, начало имущаго, но безконечнаго:

Радуйтесь, Господом сотворенныя для Вечности;

радуйтесь, во Едеме с Ним собеседовавшие.

Радуйтесь, человеком Адамом имена творениям Божиим земным нарекая; радуйтесь, повиновением твари сей всей вам упокояемые.

Радуйтесь, сада Райского блюстители; радуйтесь, ухаживавшие за Едемскими произращениями.

Радуйтесь, Господом возлюбленные наипаче всего земного; радуйтесь, светом одеянные до грехопадения и непорочные.

Радуйтесь, во Адаме Богом Самим наставляемые; радуйтесь, во Еве мужем ея назидаемые.

Радуйтесь, злаками и иным от семян питавшиеся; радуйтесь, хищничества и убийства не знавшие.

Радуйтесь, Святыя Троицы Богоявлению на Иордане при Крещении Святем Христе от Ангела пустыни Иоанна.

Кондак 1.

Избранные к Богообщению вечному в Царство

Небесное званья по Спасителю именуемая христианами, людей первозданных Адама и Евы, Рая и с Господом сретений в сем лишившихся, потомки смертныя, болезныя и страстныя, Адамом Новым сих избавленныя:

Радуйтеся, Святыя Троицы Богоявлению на Иордане при Крещении Святем Христа от Ангела пустыни Иоанна.

Молитва.

О, Церкви Единыя Святыя Соборныя и Апостольския краеугольный от Господа Камене, Дивный во очесех наших, по Евангельскому глаголу Твоему пренебреженный недостойными зиждителями Ветхаго Израиля, Спасителю наш Единородный Сыне Божий, Боже Истинный от Бога Истиннаго, от Отца рожденный прежде всех век, рожденный по воплощении безсеменнем и безмужнем пренепорочнем Мариєю Приснодевою и на Земли Господи Иисусе Христе!

В совете предвечнем Троицы Бога избранный Адамом Новым быти во исправление Адама первого с Евою грехопадения по навету лукаваго и избавление от проклятия и смертию наказания со всеми их потомками. Из Рая прогоняемым нашим Прародителем обетован был еси яко Жены семя, главу змия искусителя сокрушающее язвещаго Тя в пяту, не по Божеству Твоему неуязвляемому, а в ранимыя Твои Человеческия Пречистыя Плоть и Кровь.

Праведниками древлими прообразуемый. И четыренадесятию коленами от Авраама до Давида, четыренадесятию – от Давида до пленения Вавилонскаго и четыренадесятию до Тебе, Христе, коленами по Вавилонском пленении ожидаемый. Дондеже к Деве обрученной мужеву, емуже имя Иосиф, от дому Давидова вшед Ангел рече: радуйся, Благодатная: Господь с Тобою: благословенна Ты в женах: не бойся, Мариам: обрела еси благодать у

Бога. И се зачнеши во чреве, и родиши Сына, и наре-
чеши имя Ему Иисус. Сей будет Велий, и Сын Выш-
няго наречется: и даст Ему Господь Бог престол Да-
вида отца Его: и воцарится в дому Иаковли во веки,
и Царствию Его не будет конца. Дух Святый найдет
на Тя, и сила Вышняго осенит Тя: темже и рождае-
мое Свято наречется Сын Божий. Иже воистину ис-
полнися!

Внегда же в совершенный возраст пришел еси
тридесяти лет, от Галилеи на Иордан ко Иоанну кре-
ститися от него пришел еси. Иоанн же возбраняше
Ти, глаголя: аз требую Тобою креститися, и Ты ли
грядеши ко мне? И отвещав, прорек к нему: остави
ныне: так бо подобает нам исполнити всяку правду.
И крестився изшел еси абие из воды: и се, отвер-
зошася Небеса, и виде Иоанн Духа Божия сходяща
яко голубя, и грядуща на Тя. И се, глас с Небесе гла-
гола: Сей есть Сын Мой возлюбленный, о Немже
благоволих.

Не омовение очищало ест в Крещении сем яко
иных Всечистаго Тя, и не покаяние приносил еси во
всем нам, кроме греха, подобен. Но Ты, Спасителю
наш Бог и Человек – Богочеловек, Тобою притом
Иордан и воды вся освятил еси, что и повторяет ест
Церковь Святая Твоя по праздновании Твоего, Хри-
сте, Рождества в воспоминание Богоявления Троиц-
наго.

Ещеже и первое Таинство благодатное из седми
всех во имя Отца, и Сына, и Святаго Духа Крещения
полагает ветхаго человека смерть и рождество во
Христе всякаго из последователей Его с пением сти-
хиры сей из Галатом Послания Павла, Апостола
Первоверховнаго: Елицы во Христа крестистесь, во
Христа облекостесь, аллилуия.

И яко Сам по Крещении Твоем в пустыню изшел
еси поститися сорок дней и ночей, подчиняя Духу
Плоть, и по сем лукаваго во искушениях его победил

еси. И нас подвигаеши к сему, укрепляя православных христиан Твоею Благодатною силою. Вера бо без дел мертва есть. И кто, по братом Твоим именуемому Апостолу Иакову, Обручника Марии Богородицы Иосифа кровному сыну, явит без дел веру?

Веруем в Тя, в Троице Святей славимый Боже наш, и уповаем на Тя, что в заповеданных нам смиреннии и кротости сердец, плоды отрицания от сатаны, гордыни его и служения ему в Таинстве Крещения и в сочетовании Христу принесем, и, сим лукаваго и лукавство победив, спасены будем.

АМИНЬ.

